



REPUBLIKA E SHQIPËRISË
MINISTRIA E ARSIMIT, SPORTIT DHE RINISË

Nr. 1881 / Prot
7

Tiranë, më 31 . 3 2021

UDHËZIM

Nr. 7 datë 31.3 2021

PËR

DISA NDRYSHIME NË UDHËZIMIN NR. 1, DATË 14.1.2020 "PËR DOKUMENTACIONIN DHE PROCEDURAT PËR HAPJEN, RIORGANIZIMIN DHE MBYLLJEN E INSTITUCIONIT TË ARSIMIT TË LARTË, DEGËVE TË TYRE, NJËSIVE KRYESORE DHE PROGRAMEVE TË STUDIMIT, SI DHE PËR NDARJEN OSE BASHKIMIN E INSTITUCIONIT TË ARSIMIT TË LARTË", I NDRYSHUAR

Në mbështetje të nenit 102 të Kushtetutës, nenit 30 dhe 35 të ligjit nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", vendimit nr. 41, datë 24.01.2018, të Këshillit të Ministrave, "Për elementet e programeve të studimit të ofruara nga institucionet e arsimit të lartë", i ndryshuar, vendimit nr. 418, datë 10.05.2017, të Këshillit të Ministrave, "Për standardet, kriteret dhe procedurat për hapjen, riorganizimin, ndarjen, bashkimin ose mbylljen e institucioneve të arsimit të lartë dhe të degëve të tyre" dhe vendimit nr. 112, datë 23.02.2018, të Këshillit të Ministrave "Për përcaktimin e kriterëve për fitimin e gradës shkencore "Doktor" dhe të standardeve shtetërore për fitimin e titujve akademikë "Profesor i Asociuar" dhe "Profesor"", i ndryshuar,

U D H Ë Z O J:

1. Germa "E" e Kreut IV të udhëzimit nr. 1, datë 14.01.2020, të ndryshuar, ndryshon si më poshtë:

"E. "DOKUMENTACIONI DHE PROCEDURA PËR HAPJEN / RIORGANIZIMIN E PROGRAMEVE TË STUDIMIT TË CIKLIT TË TRETË PËR FITIMIN E GRADËS SHKENCORE "DOKTOR"

1. IAL-ja ngarkon në platformën e-Albania, sipas formularit përkatës në platformën e-Albania, mbështetur në shtojcën nr. 3 bashkëlidhur këtij udhëzimi dhe pjesë përbërëse e tij, aplikimin për hapjen/riorganizimin e programit të ciklit të tretë për fitimin e gradës shkencore "Doktor", brenda datës 30 shtator për vitin akademik pasardhës.

2. MASR-ja, brenda një afati 60-ditor nga data e aplikimit njofton subjektin në formë elektronike për vlerësimin e aplikimit.
3. Në rast vlerësimi pozitiv nga MASR, IAL-ja, brenda 15 ditëve, ngarkon elektronikisht dokumentacionin e mëposhtëm:
 - a) Propozimin e njësisë bazë ku do të ofrohet programi i studimit;
 - b) Projektin kërkimor-shkencor dhe zhvillimit;
 - c) Vendimin e Senatit Akademik dhe Bordit të Administrimit, që miraton hapjen/riorganizimin e programit/eve të studimit. Në rast se propozimi vjen nga një institucion publik i arsimit të lartë dhe kërkon financim nga buxheti i shtetit depozitohet miratimi paraprak i Agjencisë Kombëtare të Financimit të Arsimit të Lartë (AKFAL). Në rast financimi nga vet IAL-ja, në vendimin e Bordit të Administrimit të IAL-së duhet të jetë e shprehur qartësisht që masa e financimit të plotë gjatë gjithë kohëzgjatjes së programit do të mbulohet nga të ardhurat e IAL-së dhe nuk do të kërkohet financim shtesë nga buxheti i shtetit (për IAL-të publike). Aktin e miratimit të financimit të projekteve kërkimore-shkencore nga AKKSHI-ja, (në rast se ka).
 - d) Mandatpagesën për tarifën që paguhet për vlerësimin paraprak nga ekspertët e jashtëm te caktuar sipas përcaktimeve në VKM-në nr. 109/2017, të ndryshuar.
 - e) Dokumentin e grupimit të njësisë bazë (akt marrëveshje/akt i organeve kolegjiale, për grupimin e departamenteve/qendrave kërkimore-shkencore) në institucionin e arsimit të lartë, në rast grupimi sipas fushave e nënfushave, të ngjashme ose të përafërta, referuar standardeve ndërkombëtare të përcaktuara në propozimin e programit (IAL-të mund t'i referohen nënfushave të parashikuara në Manualin e FRASCAT-it, ISCED, etj.)
 - f) Deklarim për kapacitetet infrastrukturore, si vijon:
 - i. Lista e laboratorëve shkencorë të akredituar ose jo;
 - ii. Lista e bibliotekave të profilizuara dhe kapaciteti fizik i tyre, i shprehur në vende/poste pune-kërkimi;
 - iii. Lista e arkivave dhe e koleksioneve shkencore;
 - iv. Lista e abonimeve në revista apo e botimeve shkencore periodike, përrshirë dhe ato elektronike.
 - g) Deklarim për kapacitetet akademike, si vijon:
 - i. Lista e personelit akademik të njësisë bazë, apo grupimit të njësisë sipas fushave, i kategorisë “Profesor”, në momentin e paraqitjes së aplikimit, dëshmitë e titujve akademikë dhe kontratat e punës.
 - ii. Letër angazhimit të personelit akademik me tituj, të njësisë bazë, si drejtues shkencor për udhëheqjen e doktorantëve për programet e studimit të doktoratës.

- h) Rregullore e programit të studimeve të doktoratës, e cila përfshin planin e programit të studimit të doktoratës. Studimet e doktoratës ndërtohen mbi programe individuale për aftësim të pavarur të kandidatëve në kërkimin shkencor në fushat e përcaktuara nga njësia bazë ose njësia kryesore. Ato kanë në themel kërkimin shkencor dhe veprimtaritë krijuese.
- j) Në rast bashkëpunimi me një institucion tjetër vendas ose të huaj të arsimit të lartë për hapjen/riorganizimin e programeve të përbashkëta të studimit të doktoratës, së bashku me dokumentacionin e mësipërm, kërkohet depozitimi në gjuhë shqipe, i përkthyer dhe njëshuar me origjinalin të dokumenteve si më poshtë:
- i. akti i akreditimit të institucionit partner;
 - ii. dokumenti zyrtar i bashkëpunimit (marrëveshje kuadër), ku parashikohet ofrimi i programeve të përbashkëta të studimit;
 - iii. marrëveshja specifike për programin konkret të studimit, ku të parashikohen modalitetet e ofrimit të tij.
 - iv. lloji dhe modeli i diplomës i miratuar nga IAL-të.

4. Procedura për shqyrtimin e dokumentacionit për hapjen/riorganizimin e programeve të studimit të ciklit të tretë për fitimin e gradës shkencore "Doktor":

- a) Shqyrtimi paraprak i dokumentacionit të mësipërm realizohet në MASR, brenda 21 ditëve nga depozitimi. Në rastet kur dokumentacioni është i paplotë apo konstatohen mangësi/pasaktësi, MASR-ja i kërkon IAL-së që të bëjë plotësimin/saktësimin e dokumentacionit, brenda 15 ditëve nga data e njoftimit. Në mungesë të plotësimit të dokumentacionit brenda këtij afati, konsiderohet se subjekti ka hequr dorë në heshtje nga aplikimi dhe praktika arkivohet.
- b) Në rast se dokumentacioni konsiderohet i plotë, dokumentacioni i kalon për vlerësim ekspertëve të caktuar nga MASR-ja, sipas fushave të ekspertizës dhe të zgjedhur nga lista vjetore e ekspertëve të miratuar nga ASCAL-ja, të caktuar me urdhër të ministrit. Ekspertët, brenda 21 ditëve, dorëzojnë raportin e vlerësimit në MASR. Në rastet kur dokumentacioni vlerësohet nga ekspertët se është i paplotë apo konstatohen mangësi/pasaktësi, institucionit i kërkohet plotësimi i tij brenda 15 ditëve nga marrja e njoftimit. Në mungesë të plotësimit të dokumentacionit, brenda këtij afati, konsiderohet se subjekti ka hequr dorë në heshtje nga aplikimi dhe praktika arkivohet.
- c) Dokumentacioni i plotësuar i kalon për rivlerësim ekspertëve, të cilët, brenda 15 ditëve, dorëzojnë raportin e rivlerësimit në MASR. Në rastet kur dokumentacioni është përsëri i paplotë, praktika arkivohet.
- d) Pas vlerësimit përfundimtar pozitiv nga ekspertët, ministri miraton me urdhër hapjen/riorganizimin e programit të studimit.

2. Pas Kreut IV/E, shtohet Kreu IV/F me këtë përmbajtje:

"F. DOKUMENTACIONI DHE PROCEDURA PËR VERIFIKIMIN E KAPACITETEVE AKADEMIKE DHE INFRASTRUKTURE PAS MIRATIMIT PËR HAPJEN /RIORGANIZIMIN E PROGRAMEVE TË STUDIMIT TË CIKLIT TË TRETË PËR FITIMIN E GRADËS SHKENCORE "DOKTOR".

1. *Një vit pas hyrjes në fuqi të aktit të hapjes/riorganizimit së programit të studimit të ciklit të tretë për fitimin e gradës shkencore "Doktor", IAL-ja dërgon zyrtarisht në MASR aplikimin, së bashku me dokumentacionin shoqërues, sipas shtojcës nr. 4, bashkëlidhur këtij udhëzimi dhe pjesë përbërëse e tij, për verifikimin e kapaciteteve, 3 (tre) muaj kalendarik, përpara fillimit të vitit akademik përkatës, për certifikimin e kapaciteteve akademike dhe infrastrukturore për këtë program studimi nga ana e MASR-së.*

Informacioni i kërkuar mbi bazën e formularit të aplikimit është si më poshtë:

- a) *Vendimin e Senatit Akademik për përcaktimin e kapaciteteve akademike dhe infrastrukturore për programet e studimit të ciklit të tretë, për fitimin e gradës shkencore "Doktor".*
 - b) *Listën e projekteve kërkimore-shkencore dhe zhvillimit që ndjek njësi bazë.*
 - c) *Numrin dhe listën e personelit akademik të përfshirë në këto projekte dhe sipas studentëve doktorantë, sipas përcaktimeve të nenit 65 të ligjit nr. 80/2015.*
 - d) *Ndryshimet në kapacitetet akademike dhe infrastrukturore për përfshirjen në programet e studimit të doktoratës që nga momenti i hapjes/riorganizimit të programit.*
 - e) *Si dhe çdo të dhënë/dokument të përcaktuar në shtojcën nr. 4 të udhëzimit.*
2. *Procedura për shqyrtimin e dokumentacionit për certifikimin e kapaciteteve akademike dhe infrastrukturore pas hapjes/riorganizimit të programeve të studimit të ciklit të tretë për fitimin e gradës shkencore "Doktor":*
 - a) *MASR shqyrton dokumentacionin për verifikimin e kapaciteteve akademike dhe infrastrukturore mbi bazën e informacionit të paraqitur nga IAL, për kapacitetet infrastrukturore të vënë në dispozicion të projektit dhe kapaciteteve të personelit akademik të përfshira në projektin përkatës.*
 - b) *MASR shqyrton kërkesën brenda 30 ditëve dhe certifikon këto kapacitete, nëse janë në përputhje me standardet shtetërore.*

3. *Në kreun VI, pika 5.4 të ndryshojë si më poshtë:*

"Përyshimisht, aplikimet për programet e studimit të ciklit të tretë "Doktoratë" për vitin akademik 2021–2022, do të pranohen deri në 30 Prill 2021."

4. Pas shtojcës nr.2, shtohen shtojca nr.3 dhe nr.4, bashkëlidhur këtij udhëzimi dhe pjesë përbërëse e tij.
5. Ngarkohen për zbatimin e këtij udhëzimi, Ministria e Arsimit, Sportit dhe Rinisë dhe institucionet arsimit të lartë në Republikën e Shqipërisë.

Ky udhëzim hyn në fuqi pas botimit në “Fletoren Zyrtare”.

MINISTRI

Evis KUSHI



SHTOJCA NR. 3**MINISTRIA E ARSIMIT, SPORTIT DHE RINISË****PROPOZIMI PËR HAPJEN/RIORGANIZIMIN E PROGRAMIT TË STUDIMIT TË
CIKLIT TË TRETË PËR FITIMIN E GRADËS SHKENCORE “DOKTOR”**

1. Institucioni /IAL	2. Aplikimi (zgjidh një): Program i ri _____ Riorganizim programi _____
3. Emërtimi i programit të propozuar për hapje/riorganizim Fusha kryesore e kërkimit : _____ Nënfusha sipas standardeve ndërkombëtare të kërkimit/ shkenca: Doktoratë në “ _____ ”	
4. Viti akademik i hapjes (në rast të aplikimit për riorganizimin e programit të studimit)	
5. a) Të dhënat për aktin e hapjes/riorganizimit / akreditimit të IAL dhe/ ose njësisë kryesore që ofron programin e studimit b) Të dhëna për aktet e hapjes/riorganizimit/akreditimit të programeve të cikleve të parë dhe të dytë në fushën e studimit të programit të doktoratës	6. Vendimi i miratimit nga Senati Akademik Nr. _____, datë _____ Vendimi i miratimit nga Bordi i Administrimit Nr. _____, datë _____
7. Nëse është një program i përbashkët, cito aktin e bashkëpunimit ndërmjet IAL-ve dhe marrëveshjen specifike për realizimin e programeve të studimit të doktoratës.	
8. Organizimi i Programit: - Programi ofrohet nga një njësi bazë/ grupimi i njësive: Njësia/të bazë _____ Njësia Kryesore _____ Kampusi/ godina _____	

- Program i përbashkët i ofruar nga disa njësi bazë:

Njësia/Njësitë bazë _____

Njësia/të kryesore _____

Kampusi/ godina _____

9. Të dhënat për Koordinatorin e Doktoratës:

1. **Emër, Mbiemër:**

Pozicioni në IAL:

Tel:

E-mail:

10. Deklaratë e titullarit të IAL për plotësimin e standardeve akademike dhe infrastrukturore, të parashikuara në aktet ligjore e nënligjore në fuqi.

11. Firma (emër, mbiemër) e titullarit të institucionit dhe vula e institucionit.

REKTORI

Prof. Dr. _____

Data _____

Firma, vula

**PËRSHKRIMI I PROGRAMIT KËRKIMOR –SHKENCOR DHE ZHVILLIMIT TË
STUDIMEVE TË DOKTORATËS PËR HAPJE/RIORGANIZIM**

Institucioni i arsimit të lartë: Universiteti/Akademia _____

I. TË DHËNA MBI PROGRAMIN ZHVILLIMOR STUDIMEVE TË DOKTORATËS
Të dhëna të përgjithshme

Emërtimi i programit të studimeve të doktoratës	Doktoratë në fushën/nënfusha sipas standardeve ndërkombëtare
Cikli i studimeve:	Cikli i tretë
Lloji i programit:	Doktoratë
Njësia bazë	
Njësia kryesore	
Studimi me kohë normale, shprehur në vite:	3 -5
Studimi kohë të zgjatur, shprehur në vite:	5
Gjuha e studimit:	

II. TË DHËNA TË DETAJUARA TË PROGRAMIT ZHVILLIMOR TË STUDIMEVE TË DOKTORATËS

1. Përshkrimi

Informacion i detajuar rreth programit,

- argumentimi pse duhet të hapet/riorganizohet,
- përshkrimi i kontekstit të fushës së kërkimit shkencor,
- të argumentohet rëndësia e fushave të kërkimit me nevojat lokale, kombëtare dhe ndërkombëtare,
- të pasqyrohen të dhënat për burimet e veçanta që ka institucioni,
- të pasqyrohen të dhënat për kapacitetet maksimale pritëse për këtë program,
- përfituesit e drejtpërdrejtë dhe të tërthortë të programit,
- analiza SWOT e aplikimit për hapjen/riorganizimit e programit të studimit.

2. Të dhëna mbi kriteret e pranimit në këtë program, tarifa dhe modalitete financiare:

- Kriteret e pranimit në programin e studimit.
- Kosto e studimeve të doktoratës dhe tarifa e studimit të përcaktuar me vendim të Bordit të Administrimit.
- Politika e mbështetjes financiare për doktorantët nëse ka.

3. Elementët e planit vjetor të programit të studimit të doktoratës bazuar në projektin kërkimor- shkencor dhe zhvillimit të financuar të njësisë bazë

- a) Koha e realizimit të veprimtarive të kombinuara, kur programet e studimit të doktoratës zhvillohen me kohë të plotë, sipas kohëzgjatjes normale të studimit nga 3 deri në 5 vite, bëhet sipas planit doktoral të miratuar nga njësia bazë përgjegjëse.
- b) Koha e realizimit të veprimtarive të kombinuara, kur programet e studimit të doktoratës zhvillohen me kohë të zgjatur, sipas kohëzgjatjes normale të studimit 5 vite, bëhet sipas planit doktoral të miratuar nga njësia bazë.

4. Personeli akademik për realizimin e programit

Numri total i personelit akademik të angazhuar ____

Numri total i personelit akademik të angazhuar. Drejtuesit shkencorë të doktorantëve duhet të kenë titullin “Profesor” ose “Profesor i asociuar” dhe mund të udhëheqin, respektivisht, një numër të caktuar doktorantësh në të njëjtën kohë dhe të respektojnë përcaktimet e nenit 65 të ligjit nr.80/2015. Ky numër përfshin të gjitha udhëheqjet që personeli akademik i kategorisë “Profesor” ndjek në të gjitha institucionet e arsimit të lartë ku ai është i angazhuar.

Nr.	Personeli akademik	Titulli akademik dhe fusha e ekspertizës (Prof./Prof. As.) gradë shkencore në:	Institucioni	Njësia/ grupi i njësive bazë	Lloji i angazhimit
1					
2					
3					

5. Programet e Përbashkëta

Ky seksion plotësohet vetëm nëse programi i propozuar ofrohet në bashkëpunim me një institucion tjetër duke përfshirë edhe një përshkrim të nivelit të bashkëpunimit, duke iu përgjigjur elementëve të mëposhtëm:

- Burimet financiare dhe kontributi i partnerëve.
- Vënia në dispozicion e burimeve nga partnerët.
- Administrimi i programit.
- Modeli dhe lloji i diplomës (diplomë e përbashkët/e dyfishtë/e shumëfishtë).
- Të dhëna mbi aktin e themelimit/licencimit të institucionit partner në vendin e origjinës.
- Të dhëna mbi aktin e akreditimit të institucionit partner ose të programit të studimit.
- Dokument zyrtar bashkëpunimi mes palëve, marrëveshja kuadër.
- Marrëveshja specifike për programin konkret të studimit.

6. Analizë e prioriteteve të kërkimit shkencor

Në këtë seksion duhet të përfshihen të dhëna mbi elementët e mëposhtëm:

- Argumentim i nevoja të hulumtimit, kërkimit shkencor, inovacionit, të thelluar në këtë fushë.
- Marrëveshje me institucione publike dhe jo publike të cilat mund të asistojnë kërkimin shkencor.

SHTOJCA NR. 4**MINISTRIA E ARSIMIT, SPORTIT DHE RINISË****APLIKIM PËR VERIFIKIMIN E KAPACITETEVE AKADEMIKE DHE
INFRASTRUKTURE, PAS HAPJES/RIORGANIZIMIT TË PROGRAMIT TË
STUDIMIT TË DOKTORATËS “___”,**

1. Institucioni /IAL	Program i studimit doktoratë në _____,
2. Viti akademik i aktivizimit të programit dhe numri i doktorantëve të regjistruar sipas viteve akademike (detajuar me kohe të plotë dhe me kohë të zgjatur)	
3. Fusha kryesore e kërkimit : _____ Nënfusha e kërkimit: Doktoratë në “_____”	
4. Të dhëna nëse programi ka financim nga AKKSHI apo institucioneve të tjera financuese	
5. Të dhënat për aktin e hapjes/akreditimit të IAL dhe të programit e studimit	6. Listën e projekteve/projektet kërkimore-shkencore dhe zhvillimit që zhvillohen nga njësia bazë, mbi bazë të së cilës janë ndërtuar projektet individuale të doktorantëve 7. Përcaktimi i numrit të studentëve doktorantë nga njësia bazë për vitin akademik respektiv 8. Të dhëna mbi Vendimin e Senatit Akademik për numrin e projekteve të doktoratës të iniciuar nga IAL-ja dhe numrin e studentëve të përfshirë në to dhe atyre që do të përfshihen.
9. Nëse është një program i përbashkët, cito aktin e bashkëpunimit ndërmjet IAL-ve dhe marrëveshjen specifike për realizimin e programeve të studimit të doktoratës dhe për përcaktimin e numrit të doktorantëve	
10. Organizimi i Programit: - Programi ofrohet nga: Njësia bazë _____	

Njësia Kryesore _____

Kampusi/ godina _____

- **Program i përbashkët i ofruar nga disa njësi bazë:**

Njësia/Njësitë bazë _____

Njësia Kryesore _____

Kampusi/ godina _____

11. Të dhënat për Koordinatorin e Doktoratës:

Emër, Mbiemër:

Pozicioni në IAL:

Tel:

E-mail:

12. Deklaratë e titullarit të IAL për plotësimin e standardeve akademike dhe infrastrukturore, të parashikuara në aktet ligjore e nënligjore në fuqi.

13. Firma (emër, mbiemër) e titullarit të institucionit dhe vula e institucionit.

REKTORI

Prof. Dr. _____

Data _____

Firma, vula

TË DHËNA MBI PROGRAMIN E STUDIMEVE TË DOKTORATËS

1. Të dhëna të përgjithshme:

Emërtimi i programit të studimeve të doktoratës	Dokoratë në fushën/nënfusha sipas standardeve ndërkombëtare
Cikli i studimeve:	Cikli i tretë
Lloji i programit:	Dokoratë
Njësia bazë	
Njësia kryesore	
Studimi me kohë të plotë, shprehur në vite:	3 -5
Studimi kohë të zgjatur, shprehur në vite:	5
Gjuha e studimit:	
Numri i studentëve aktiv në këtë program studimi, sipas viteve akademike:	

2. Të dhëna mbi kostot, tarifa dhe modalitete financiare:

- Kosto e studimeve të doktoratës dhe tarifa e studimit të përcaktuar me vendim të Bordit të Administrimit.
- Politika e mbështetjes financiare për doktorantët nëse ka.
- Lista e projekteve individuale.

3. Personeli akademik i angazhuar për realizimin e programit.

Numri total i personelit akademik të angazhuar. Drejtuesit shkencorë të doktorantëve duhet të kenë titullin “Profesor” ose “Profesor i asociuar” dhe mund të udhëheqin, respektivisht, një numër të caktuar doktorantësh në të njëjtën kohë dhe të respektojnë përcaktimet e nenit 65 të ligjit nr.80/2015. Ky numër përfshin të gjitha udhëheqjet që personeli akademik i kategorisë “Profesor” ndjek në të gjitha institucionet e arsimit të lartë ku ai është i angazhuar.

Për ndryshimet në personelin akademik, IAL dërgon kopje të dëshmisë për fitimin e titullit, diplomës së gradës shkencore dhe kontratën e punës.

Të jepen të dhëna për ndryshimet në kapacitetet akademike dhe infrastrukturore për përfshirjen në programin e doktoratave që nga momenti i hapjes/riorganizimit të programit.

Në tabelë duhet të evidentohen numri dhe lista e personelit akademik të përfshirë në projektet e reja individuale sipas numrit të studentëve të miratuar.

Nr.	Personeli akademik	Titulli akademik dhe fusha e ekspertizës (Prof./Prof. As.) gradë shkencore në:	Institucioni	Njësia bazë ose grupimi i njësive sipas fushave	Lloji i angazhimit	Numri i doktorantëve që udhëheq
1						
2						
3						

4. Programet e Përbashkëta

Ky seksion plotësohet vetëm nëse programi i propozuar ofrohet në bashkëpunim me një institucion tjetër duke përfshirë edhe një përshkrim të nivelit të bashkëpunimit, duke iu përgjigjur elementëve të mëposhtëm:

- Burimet financiare dhe kontributi i partnerëve për vitin akademik respektiv.
- Vënia në dispozicion e burimeve nga partnerët.
- Administrimi i programit.
- Marrëveshja specifike për përcaktimin e numrit të doktorantëve për vitin akademik

5. Deklarim për kapacitetet infrastrukturore për zhvillimin e programit të studimit (Në këtë rubrikë evidentohen në mënyrë narrative ndryshimet në kapacitete)

Lista e laboratorëve shkencorë të akredituar ose jo;	
Lista e bibliotekave të profilizuara dhe kapaciteti fizik i tyre, i shprehur në vende/poste pune-kërkimi;	
Lista e arkivave dhe e koleksioneve shkencore;	
Lista e abonimeve në revista apo e botimeve shkencore periodike, përfshirë dhe ato elektronike.	

6. Të dhëna mbi institucionet bashkëpunuese ku kryhet kërkimi shkencor i doktorantëve